



Ioannes Schopperus ex Abenbergæ Eystetēsis Episcopi oppido natus est. Is à pueris operā literis dedit, & primis fundamentis iactis in monasterio Haylbrunnensi ditionis marchionū Brandenburgensium (ubi etiam suam sepulturam habent) Cisterciensium ordinem suscepit. Ibi cum pietatē & doctrina reliquos superaret, anno 1529 post Rappathonē (qui 1132 primus ibi præfuit) 27 abbas constituit. Fuit is omnium eruditorū Meccenas, quorum etiā monumētis æternū apud posteros nomē cōsecutus est. Itaq; auxilijs laudatissimi principis Marchionis Brandenburgēsis in suo monasterio insignē scholā instituit, et in ea multos adolescētes a-

luit, quibus liberaliter instituti, postea ad Academias missi sunt. Sciebat enim uir prudēs, monasteria nō otiosis (ut Bruschius inquit) uentribus, sed literarū, pietatis & honestæ uitæ studiosis condita, ac tanta principū liberalitate erecta & donata esse. Cum autem Ioannes per 12 annos sapienter præfuisset, propter afflictam ualeitudinem officium resignauit, & Onoltzbachium concessit, ubi etiam 14 calend. Maij anno 1542 obiit, & tale Epitaphium meruit.